



Na osnovu člana 69. stav (3) i člana 70. stav (4) Zakona o javnim nabavkama („Službeni glasnik BiH“, br. 39/14 i 59/22) i člana 10. Pravilnika o javnim nabavkama (08-02-2-1826-1/2019 od 14.05.2019. godine), direktor Sekretarijata Visokog sudskog i tužilačkog vijeća Bosne i Hercegovine, donosi

ODLUKU o otkazivanju postupka

Član 1.

(Predmet odluke)

Otkazuje se otvoreni postupak nabavke hotelskih usluga za potrebe Visokog sudskog i tužilačkog vijeća Bosne i Hercegovine.

Član 2.

(Razlog otkazivanja)

Predmetni postupak se otkazuje iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Obrazloženje

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-1-2-132-3-77/23 od 11.08.2023. godine. Primljene su ponude ponuđača Mrkulić Company d.o.o. Sarajevo i V.I.P. Travels d.o.o. Sarajevo.

Predmet nabavke su hotelske i prateće usluge i iste, u smislu predmetne nabavke, obuhvataju:

- a) rezervaciju smještaja u zemlji u jednokrevetnim ili u dvokrevetnim sobama, po cijeni jednokrevetnih, na bazi punog pansiona i/ili noćenja sa doručkom i večerom i/ili noćenja sa doručkom;
- b) rezervaciju sale u zemlji sa traženom tehničkom opremom za održavanje seminara, sastanaka, konferencija, poslovnih događaja i sl. (rezervacija i korištenje sala će se vršiti bez obzira da li ugovorni organ koristi usluge smještaja u istom hotelu);

Obrascem za cijenu ponude Ugovorni organ je zahtijevao od ponuđača da dostave cijene za sljedeće stavke:

- Agencijska naknada za pružanje usluga posredovanja u rezervaciji smještaja u zemlji individualno ili za grupe do 5 osoba;
- Agencijska naknada za pružanje usluga posredovanja u rezervaciji smještaja u zemlji za grupe od 5 do 30 osoba;
- Agencijska naknada za pružanje usluga posredovanja u rezervaciji smještaja u zemlji za preko 30 osoba;
- Agencijska naknada za pružanje usluga posredovanja u rezervaciji sala.

Dakle, obrazac za cijenu ponude ne sadrži posebnu stavku za iskazivanje cijene za agencijsku naknadu za pružanje usluga posredovanja u rezervaciji smještaja u zemlji za jednu osobu, već je u stavci 1. obrasca predviđeno navođenje iste cijene za individualnu kao i rezervaciju za do pet osoba.

U pravilu (statistički u preko 65% slučajeva) zahtjevi Ugovornog organa se odnosi na rezervisanje smještaja za jednu osobu, u odnosu na manji postotak rezervacija kada je smještaj potreban za više osoba.

S obzirom na navedeno, ponuđači nisu ni mogli pripremiti ponude na fer osnovi, niti bi istrajavanje s ovim modelom izvršenja i finansiranja predmetnih usluga bilo u skladu sa principom iz člana 3. Zakona o javnim nabavkama koji obavezuje ugovorne organe na najefikasnije korištenje javnih sredstava u vezi s predmetom nabavke i njegovom svrhom. Na ovaj način bi se neminovno

zaključio ugovor koji bi bio štetan po javna sredstva budući da bi troškovi ispunjenja obaveza iz ugovora prelazili ekonomske koristi koje se od njega očekuju. Naime, uzimajući u obzir prosječnu cijenu jednog noćenja za jednu osobu kao i cijene agencijskih provizija istih ili sličnih ugovora, cijena rezervisanja ukoliko je data samo za grupu do pet osoba, a ne posebno i za jednu osobu, bi bila približna ili čak skuplja nego cijena samog smještaja. Takva provizija ne bi bila pravična ni srazmjerna izvršenoj usluzi.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku


Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: 05-16-4-2784-13/23

Datum: 29.09.2023. godine

Dostavljeno:

- Ponuđačima,
- Odjelu za finansije i računovodstvo,
- a/a.


MP
Direktor Sekretarijata
Admir Suljagić